

四庫全書

子部

欽定四庫全書

冊府元龜卷五百六

宋王欽若等撰

邦計部

俸祿第二

唐玄宗開元五年十月詔曰養老乞言人惟求舊尊儒
尚齒風化攸先其致仕官所請物宜令所司專定一官
勾當送至宅六年七月秘書少監崔涵議州縣官月料
錢狀曰養賢之祿國用尤先取之齊人未為剝下何用

立本息利法商求資皇運之初務革其弊託本收利以
繩富家固乃一切權宜諒非經通彞典項以州縣典吏
併捉官錢收利數多破產者衆散諸編戶本少利輕人
用不休時以為便付本收利惠及於人然則議國事者
亦當憂人為謀恤下立計天下州縣積數既多大抵皆
然為害不少且五十之本七分生利一年所輸四千二
百兼筭勞費不啻五千在於平人已為重賦富戶既免
其徭貧戶則受其弊傷人刻下俱在其中未若大率羣

臣通計衆戶據官定料均戶出資常年發賦之時每丁量加升尺以近及遠損有兼無合而籌之所增蓋少時則不擾簡而易從庶乎流亡漸歸倉庫稍實則當咸出正賦罷所新加天下坦然什一而稅上下各足不其遠矣

十年正月勅內外官職田除公廨田園外並官收又令有司收天下公廨錢其官人料以萬戶稅錢充每月准舊分利數給

是月甲子又勅王公已下視品國官及京官五品已下

每月別給伏身悉停凡京司文武職事官五品已上給

防閣一品

九十二人

二品

七十二人

三品

四十八人

四品

三十二人

五品

十二人

四六品以下給庶僕六品五人七品四人八品三人公主邑士

八十人郡主六十人縣主四十人特封縣主二十人京官任兩職

者從多給凡州縣官皆有白直二品四十人三品三十人四

品二十人五品十六人六品十人七品六人八品五人九品四人凡諸

親王府屬並給士力數如白直其防閣庶僕白直士力

納課者每年不過二千五百執衣元不過一千文防閤
庶僕舊制季分月俸食料雜用即月分諸官應月給
乙丑命有司收內外官職田以給逃還貧下戶其職田
以正倉粟畝二升給之

六月初置職田本非古法爰自近制是以因循事有變
通應須刪改其內外官所給職田子從今年九月已後
並宜停給

十六年十一月勅文武百官俸料錢所給物宜依時價

給

十八年三月勅京官職田將令准令給受

其年九月御史大夫李朝隱奏請薄稅一年稅錢充本
依舊令高戶及典正捉隨月收供官人料錢

十九年四月勅天下諸州縣并府鎮戍官等職田四至
頃畝造帳申省仍依元租價對定六斗已下者依舊定
以上者不得過六斗

二十二年二月勅京官兼外州都督刺史大都督府長

史俸料並宜兩給

二十四年六月勅百官料錢宜令為一色都以月俸為
名各據本官隨月給付其貯米宜令入祿數同申應合

減折及申請時限並依常式一品三十一千月俸八千
食料一千

八百防閤二十千月俸六千食料一千
雜用一千二百文二品二十四千五百防閤一十五千

五百雜用一千文三品十七千月俸五千食料一千一百
防閤一十千雜用九百文四品

一十一千八百六十七文月俸四千五百食料七百文
防閤六千六十七文雜用六

百五品九千二百月俸三千食料六百防
閤五千雜用六百文六品五千三

百月俸二千三百食料四百庶
僕二千二百雜用四百文
七品四千五十月俸一

五十食料三百五十庶僕一
千六百雜用三百五十文
八品二千四百七十五月

一千三百食料三百庶僕六
百二十五雜用二百五十文
九品一千九百一十七月

一千五十食料二百五十庶
僕四百一十七雜用二百文

二十九年二月勅外官職田委所司准例倉中受納納
畢一時分付縣官亦准此

三月勅京畿地狹人戶殷繁計丁給田尚猶不足兼充
百官苗子固難周濟其諸司官令分在都者宜令所司

其作定額計應受職田並於都畿給付其應退地委採訪使與本州長官給貧下百姓其應給職田亦委採訪使與所繇長官勘會同給仍永為常式

天寶元年六月勅如聞河東河北官人職田既納地租仍收桑課田樹兼稅人何以堪自今已後官人及公廨職田有桑一切不得更徵絲課

二年十一月勅京官兼太守等官俸料兩給者停其外官太守兼京官除准式親王帶京官任外官副大將軍

者副使知軍及政事京官兼內外官知政事據文合兼
給者餘並從一處給任逐穩便

三載

臣欽若等曰天寶
自三年已後稱載

三月勅郡縣關職錢送納大府

寺自今已後納當郡充員外官料錢不足即收正官料
錢分若無員外官當郡分

五載三月勅郡縣官人及公廨白直天下約計一載破
十萬丁已上一丁每月戍錢二百八文每至月初當處
徵納送縣來往數日功程在於百姓尤是重役其郡縣

白直計數多少請用料錢加稅充用其應差丁充白直
望請並停一免百姓艱辛二省國家丁壯

六載三月戶部奏諸道請實封人准長行旨三百戶已
下戶部給符就州請受三百戶已上附庸使送兩京大
府寺賜坊給付者今緣就州請受有損於人今三百戶
已下尚許彼請公私之間未免侵擾望一切送至兩京
就此給付即公私省便侵損無繇又准戶部式節文請
食封人身歿已後所得封物隨其男數為分承嫡者加

一分至玄孫即不在分限其封總入承嫡房一依上法
為分者如此則玄孫請物比於嫡男計數之間多較數
倍舉輕明重理實未通望請至玄孫已下准玄孫直下
一房許依令式餘並請停惟享祭一分百代不易自無
爭競永賜勲庸無替

十一載十二月勅諸郡員外官無闕職處均取正官料
給錢數不定頗為勞煩自今已後闕料官收員外官依
式取官錢准給

十二載十月勅兩京百官職田承前佃人自送道路或遠勞費頗多自今已後其職田去城五十里內者依舊令佃人自送入城自餘並限十月內便於所管縣并腳價貯納其腳價五十里外每斛各徵二文一百里外不得過三文並令百官差本司人請受

十四載八月制曰王制下士視上農周政庶人倍祿者衣食既足則廉耻乃知至如資用靡克或貪求不已敗名冒法實此之繇輦轂之下尤難取給其在西京文武

九品已上正員官既親於職務可謂勤心自今後每月給俸食雜用防閤庶僕等宜十分率加二分其同正員官加一分仍為常式

肅宗至德二年四月勅天下都府及縣官祿白直品子等課從今載正月一日以後並量給一半事平之後當續支遣

乾元元年外官給半料與職田京官不給料

至德已後內外官無

料錢至是給之仍勅度支使量開劇司給手力課員外官一切

無料

二年九月詔京官比無俸料桂王之費將何以堪宜取絳州新錢給冬季料即仰所繇申請計會支給且艱難之際家國是同頃者急在軍戎所以久虧祿俸眷言憂恤常媿于懷今甫及授衣略為調給庶資時要宜悉朕懷

三年四月工部尚書李遵奏中外官職田者苗子准令依租分法並人新人水陸田十一月一日已後上者子

並入官草准式當司官分其顛遷改人乃有一年之中
數處合得者按令云職分陸田限三月三十日已前水
田限四月三十日夏田限九月三十日已後上者人前
人已前上者人後人即是各以耕種時在職者為王此
職既闕本是公田耕耘收刈已皆畢功新人方來何理
領受請自今後水陸田並限六月三十日宿麥限十二
月三十日春麥限三月三十日已前上者人新已後上
者並草並人官若其年已得前任苗子者草粟稻麥並

不重受亦入官

上元元年十月勅京官職田准式並合佃人輸送至京
中間楊國忠奏去城五十里外貯納縣倉本官自差人
請受緣是暫時寄貯所繇觸途乾沒就中閑司尤被抑
屈公私不便因循累年自今已後京兆河南府諸縣並
令依舊送京輸納本官如邀頡停留并輒受加耗請准
所費及剩數計贓以枉法論至死者加役流

代宗廣德二年正月稅天下地畝青苗錢給百官俸料

起七月給

十月宰臣等奏減百司職田租之半以助軍糧從之

永泰元年十月以師旅薦興急於饋運百寮上表請納職田充軍糧許之

二年正月自今已後子孫襲實封宜減半永為常式

三月勅應請封家三分給二待兵革稍寧即當全給

五月諸道稅地錢使殿中侍御史常光裔等自諸道使還初肅宗乾元已來屬天下用兵京師百官俸錢減耗

即帝位推恩庶寮下議公卿或以稅畝有苗者公私咸濟乃分遣憲官稅天下地青苗錢以充百司課料至是得錢四百九十萬貫仍以御史大夫為稅地錢物使歲以為常均給百官

十一月詔曰京諸司官等自艱難已來不請祿料職田苗子又充軍糧頗聞艱辛須使均濟其諸州府縣官及折衝府官職田據苗子多少三分每年宜取一分依當處時價迴市輕貨數內破脚差綱部領送上都納青苗

錢庫其闕官職田據數盡送仍青苗錢與本道節度觀察都防禦等使會切勾當從今年職田並依此數徵收發遣其送物綱典計數准輕貨綱典例處分

大曆二年正月詔京兆府及畿縣官職田宜令准外州府縣官例三分取一分

十月減京官職田錢一分充軍糧二分給大官

三年十一月加廊下百官厨料增舊五分之一是年通計京城諸司每月給手力資錢凡四萬七千五百四十

六貫四十八並以天下青苗錢充初以常賦不給乃稅人墾田畝十有五錢資用窘急不暇成熟候苗青即征之故謂之青苗錢主其任者為青苗使

六年三月勅軍器公廨本錢三千貫文放在人上取利充使以下食料紙筆宜於數內收一千貫文別納店舖課錢添公廨收利雜用

十二年四月度支奏給京百司文武官及京兆府縣官每月料錢太師太傅太保太尉司徒司空侍中中書令

每月各一百
二十貫文

中書門下侍郎

各一百
貫文

東宮三太左右僕

射各八十
貫文

東宮三少

各七十
貫文

六尚書御史大夫太常卿

各六十
貫文

常侍宗正卿太子詹事國子祭酒

各五十
貫文

左右

丞及諸司侍郎給事舍人中丞賓客殿中監秘書監司

農等卿將作等監

各四十
貫文

太子左右庶子太常少卿

各四

十貫
文

課議諸司少卿少監

各三十
貫文

國子司業內侍東宮

三卿

各三十
貫文

郎中侍御史司天監少詹事諸王傅國子

博士諭德中允中舍殿中秘書太常宗正丞

各二十
貫文

殿

中侍御史著作郎大理正都水使者總監內常侍給事

中

各二十
貫文

員外郎通事舍人起居王府長史

各十八
貫文

監

察御史臺主簿補闕王府司馬司天少監太子典內太

常博士主簿宗正主簿門下錄事中書主簿

各十五
貫文

拾

遺司議太子秘書著作佐郎國子大學四門廣文等博

士大理司直詹事府及諸寺監丞謁者監中書門下主

事

各十二
貫文

洗馬贊善諸寺監主簿詹事府司直

各一十
貫文

評事

各八
貫文

諸較正

各六
貫文

諸奉御九成宮總監諸王諮議

友諸陵令

各九貫
二百文

城門符寶國子助教六局郎王府掾

屬太常侍醫文學錄事參軍主簿記室諸衛及六軍長

史兩市令諸副總監武庫署令太公廟令

各五貫
三百文

大子

通事舍人東宮三寺丞國子太學廣文助教內坊丞諸

直長內寺伯千牛衛及諸率府長史諸陵丞諸陵署諸

王府判司司竹溫泉監尚書都事都水及諸摠監丞司

天臺丞太子侍醫諸司上局署令及王府國令苑四面

副監公主邑司令

各四貫一百
一十六文

國子四門助教律醫學

博士協律郎內謁者諸衛六軍左右衛率府等衛佐諸

王府參軍大農都省兵吏禮考功主事春坊錄事司竹

副監諸司中局署令都水主簿諸司上局署及監廟邑

司丞司天臺靈臺郎保章挈壺正太常針醫及醫監尚

藥局司醫

各四千四百七十五文

大祝奉禮省中諸行主事門下

典儀御史臺殿中秘書內侍省春坊詹事府主事諸寺

監諸衛六軍諸司錄事諸司中局署丞及大理獄丞諸

司府作監事殿諸司監錄事殿中省醫佐食醫奉輦司

庫司廩奉乘鴻臚寺掌客司儀太僕寺主乘內坊典直
司天臺司辰司歷監內侍省宮教博士東宮三等主簿

太常大樂鼓吹丞醫正按摩呪禁卜筮博士及針醫卜

助教國子書算博士及助教諸王國子丞尉諸總監主

簿

各一千九百一十七文

武官左右金吾大將軍

各四十五貫文

六軍大

將軍左右金吾將軍

各四十五貫文

諸衛大將軍六軍將軍

各三

十貫文

諸衛將軍

各二十五貫文

諸衛及六軍中郎諸率府率副

率

各一百六十七文

諸衛及六軍郎將諸王府典軍副典

軍

各九千二百文

諸衛及六軍司階千牛及左右備身

各五百文

諸衛及六軍中候太子千牛

各四千一百一十六文

諸衛及六軍

司戈太子備身

各二千四百七十五文

諸衛及六軍執戟及長上

各一千九百一十七文

京兆及諸縣官尹

各八十文

少尹兩縣令

各五十貫

文奉先昭應醴泉等縣令司錄

各四十貫文

畿令各四十貫文判

司兩縣丞

各三十貫文

兩縣簿尉奉先等縣丞

各三十貫文

奉先

等主簿尉諸畿縣丞

各二十貫文

畿簿尉

各二十貫文

參軍文學

博士錄事

各一十貫文

凡百司文武官共二千七百九十六

員文官一千八百五十四員武官九百四十二員每歲約計加一十五萬六千貫准舊給數都當二十六萬貫文已來伏望准數起六月一日納付物旨依仍令所司

起五月一日支給待豐年無事即准常式處分

時常袞與楊綰

同掌樞務先是百官俸料寡薄綰與袞奏請加之判度
支韓滉與袞各駢私懷所加俸料厚薄自己時少列各
定月俸為三十五千滉怒司集張參唯止給三十千袞
惡少詹事趙甚遂給二十五千又太子洗馬實司經局
長官文學為之貳袞有親戚任文學者給十二
千而給洗馬十千其輕重任情時政多如此類

五月中書門下奏得蘇州刺史兼御史大夫知臺事李

涵東都河南江淮山南等道轉運使吏部尚書兼御史

大夫劉晏戶部侍郎專判度支韓滉等狀釐革諸道觀

察使都團練使及判官料錢等觀察使都

如更兼使不在加給限

每月除刺史正俸料外每使每月請給一百貫雜給准

時價不得過五十貫文都團練副使每月料錢八十貫

文雜給准時價不得過三十貫文觀察判官

與都團練判官同

每月料錢五十貫文支使每月料錢四十貫文推官每

月料錢三十貫文巡官准觀察推官例以上每員每月

雜給准時估不得過二十貫文如以州縣見任官充者
月料雜給減半刺史知軍事每月除正俸外請給七十
貫文如帶別使不在加限雜給准時估不得過三十貫

文其州縣課

其大都督府長史准七府尹例左
右司馬准上州別駕例給料錢

刺史八

十貫文別駕五十五貫長史司馬各五十貫錄事參軍
四十貫判司三十貫參軍博士各一十五貫錄事市令
等各一十三貫縣令四十貫丞三十貫簿尉各二十貫
謹具條件如前其舊准令月俸雜料紙筆執衣白直但

納資課等色並在此數內其七府准四月二十八日勅
文不該者並請依京兆府例處分其中州中縣以下三
分減一分其額內釐務比正官減半其州縣官除差充
推官巡官及司馬掌軍事外如更別帶職亦不在加給
限勅旨宜依先是天下用兵州縣多以權宜立政官品雖一俸料不等大歷中四方無事宰臣元
戴王縉耽寵怙權苟以利已為便不循舊式江淮大州
至有月給一千貫者山劔諸郡以地貧乏故雖上州刺
史月給數十千而已至是懲
革前失哀多益寡人稍知法

六月戶部侍郎判度支韓滉奏准今年四月二十八日

恩勅加給京文武九品已上正員官月俸其同中書門下平章事不帶正官勅內元額應簡較官同平章事並請同正官例就一高處給勅旨依

十二月勅京諸司闕官職田苗子自今以後宜并充脩當司廨宇用其草准式處分仍令分司監察御史勾當德宗以大歷十四年五月即位七月以國用未贍其宣

王諱

順宗名

已下開府儀同三司光祿大夫俸皆罷給又

罷客省之廩每歲萬三十千斛

永泰已後益多事四方奏事或連歲不達乃於

銀臺門置客省以居之及上書言事忤旨者亦拘其中
動十數歲嘗百餘人蕃戍將吏或貢計未報及失職未
叙者又數十百人皆受度支廩給其
費甚矣至是皆罷遣之人心悅服

八月勅内外文武官職田及公廨田准式州縣每年六
月三十日勘造白簿申省與諸司文解勘會至十月三
十日徵收給付本官近來不守常規多不申報給付之
際先付清望要官其閑慢卑官即被延引不付自今後
准式各令送付本官又准式職田黃籍每三年一造自
天寶九載以後更不造籍宜各委州縣每年差專知官

巡覆仍造簿依限申交所司不得隱漏及妄破蒿荒如有違犯專知官及本典准法科罪

建中三年閏正月勅文武百官每月料錢一百貫以上者三分減一八十貫已上者五分減一六十貫已上者七分減一四十貫已上者十分減一三十貫已下者不減待兵革寧後仍舊給

興元元年正月勅諸軍諸使諸道應赴奉天及進收京城將士等或百戰摧敵或萬里勤王扞國金城驅除大

熟濟危難者其節著復社稷者其業崇我圖爾功特加
彛典錫名疇賦永代無窮宜並賜名奉天定難功臣其
有食實封者子孫相繼代代不絕

十二月詔京官及畿官俸料所司准元數支給自巡幸
奉天轉運路阻故百寮俸錢或至闕絕帝愍其貧乏故
全給之

貞元元年五月禮部尚書李齊運奏當司本錢至少厨
食不免闕絕請准秘書省大理寺例取戶部闕職官錢

二千貫文充本收利以助公厨可之

九月八日勅自今應徵息利本錢除生捉逃亡轉徵隣
近者放免餘並准舊徵收其所欠錢仍任各取當司闕
官職田量事糴貸充填本數并已後所舉不得過二十
貫

十二月詔曰百辟卿士實惟股肱頃屬艱虞損家徇節
累經寇難靡不困窮洎復上京薦遭歉歲官俸既薄公
田不收外虧導從之儀內懷凍餒之戚朝列尚爾蒸人

何堪軫于深衷良用愧惻應文武常參官等宜共錫錢
七萬貫委度支據班秩職事及所損職田多少量等級
從今至明年四月以來隨月支結凡厥多士宜悉朕懷
是時初復京邑蝗旱穀價翔貴人多困乏帝愍之故賜
百官焉

三年十一月初京官宜加給料錢初張延賞大減黜官
員人人骨怨是年李泌作相請復之以從人欲因是罷
去兼試額內占闕等官又奏請加百官俸料各據品秩

以定月俸而隨曹署閑劇加置手力資課雜給等帝皆許之人以為便

四年正月中書門下奏京文武及京兆府縣官總三千七十七員據元給及新加每月當錢五萬一千四百四貫六百一十七文一年都當六十一萬六千八百五十

五貫四百四文

三十四萬八千五百貫四百文舊額二十六萬八千三百五十五貫四文新加

一千八百九十員文官三太

各二百貫文

三公

各一百八十貫文

侍

中中書令

各一百六十千文

門下中書侍郎左右僕射大子三

大

各一百三十
十千文

六尚書御史大夫太子三少

各一百
貫文

常侍

太常宗正卿京兆尹

各九十
貫文

左右丞諸司侍給舍中丞

賓客詹事國子祭酒諸卿監內侍監

各八十
貫文

諫議庶子

大堂宗正少卿

各七十
貫文

司業少詹事諸少卿少監內侍

各六十
貫文

諭德諸曹郎中東宮三卿

各五十
貫文

員外郎起居

侍御史王府長史著作郎太子中舍人中允國子博士

太常宗正殿中秘書等丞大理正都水使者京都摠監

內常侍

各四十
貫文

補闕殿中侍御史通事舍人

各三十
貫文

拾

遺監察司天少監王府司馬贊善洗馬奉御陵令內給

事典內太常博士司舍太常宗正御史臺主簿中書主

簿門下錄事

各三十
貴文

太子文學秘書郎著作佐郎城門

符寶郎大學廣文四門博士大理司直大理詹事諸寺

監丞內謁者監中書門下主事

各二十
五千文

評事國子助教

王府諮議友同天正宮正六局郎諸衛六軍長史諸寺

及詹事主簿詹事司直太子通事舍人東宮三寺丞大

子文學廣文助教千牛衛及率府長史七品陵丞都水

丞諸直長

各二十
貫文

四門助教協律郎諸衛及六軍衛佐

較書正字奉禮大稅尚書都事九成宮總監

各十六
千文

典

儀都水主簿率府衛佐諸司主事御史臺主事

各十二
貫文

諸寺監內侍省詹事府司天臺錄事主事

各八
貫文

王府掾

屬錄事參軍主簿侍御醫兩市令中書武庫署令武成

王廟令司天丞

各十
貫文

內坊丞內寺主王府判司王府國

令諸司上局署令大子侍醫公伯邑司總監丞司竹溫

泉監七品陵廟令司天臺主簿

各六
貫文

律學博士內謁者

王府參軍諸司中局署令王府大農諸上局署丞邑司

丞天靈臺郎保章挈壺正京苑四面監太常醫博士及

醫監八品陵廟令尚藥局司醫司竹溫泉監丞

各四
千文

諸

司中局署丞大理獄丞鴻臚掌客諸司監善監作監事

錄事計官屬佐食醫掌輦大僕主乘僕寺典乘軍衛率

府親勲翊府兵曹典膳兩令司天臺司農司歷監候內

坊典直內侍省宮教博士太常寺樂正及醫卜正九品

陵廟丞苑四面監丞王府國丞尉按摩呪禁筮博士及

針醫助教諸總監主簿國子書算及律助教

各三千文八百

九十六員武官七十二員四品

各一十七千三百五十文

一百三十

六員五品

各一十千八百文

九十六員六品

各七千九百五十文

九十八

員七品

各六千一百七十四文

一百三十六員八品

各三千七百一十二文五

分五百五十八員九品

各二千八百七十五文五分

並雜給較簿每

貫加五百文支給一十員諸衛上將軍左右衛本料各

六十千加糧賜等

每月各糧米六斛鹽七合五勺手力七人資一十千五文私馬五匹草三

百束料九石七斛五升隨身十五人糧米九石鹽一斛一升三合五勺春衣布一十五端絹三十疋冬衣綿綉

一十五疋絹三
十疋綿三十屯

二員左右金吾衛

並准此

一十二員左右

武衛等本料五十五千文加糧料等

每戶手力五人資
七千五百私馬四

匹草三百三十二束料六石六斗隨身一十三人糧米
七石八斗春衣布十三端絹二十六疋綿二十四屯

一十六員諸衛大將軍左右衛左右金吾衛本料四十

千五百續加等

准上隨有減一人
餘物隨人減

計左右武衛等雜衛本

料三十六千文續加等

每月各手力四人資二千私馬
三匹草一百六十束料四石九

斗五升隨身一十八人糧米六石春衣布一十端
絹三十疋冬衣絹十疋絹三十四疋綿二十七屯

三十

員諸衛將軍左右衛左右金吾衛本料三十六千續加

准左右武等雜衛本料三十千續加每月手力各三人
資四千五百私馬

兩匹草一百一十束料三石三斗隨身八人糧米四十
八斗春衣布八端絹一十六疋冬衣綱八疋絹一十六

疋綿十
六屯
六員統軍本料各六十五千續加等春冬衣一
副每月糧

米六斗鹽十合五勺私馬五匹草
料同金吾隨身餘准諸衛上將軍
六軍大將軍本料各

六十千文續加並准諸衛
大將軍六軍將軍本料三十千文續

加准左武善
雜衛將軍射生神策大將軍本料三十六千文續加

私馬五匹草料准上隨身十四人七人給衣不給料七
人給糧米四石三斗鹽一斗五升春衣布一十四端絹

二十八匹鞋十四量冬衣綱十
四疋絹二十八匹綿二十八屯
射生神策將軍本料三

十千文續加

私馬三匹草料准上隨身一十二人六人給衣不給料六人全給糧米三石六斗益

九升春衣布十二端絹二十四疋鞋十二量冬衣絕十二疋絹二十四疋綿二十四屯鞋十二量 京兆

府縣官

惟兩縣簿尉減五千文餘並同大歷十二年四月二十八日勅

右中書門下准

去年十一月二十八日勅京官宜加料錢准勅商量謹件如前勅旨依

二月詔以中外給用除陌及闕官俸外官一分職田停額內官俸及刺史執刀司馬軍事等錢令竇參專掌之以給京文武官俸料先是京官俸薄多不自贍帝時命

有司厚其月給自是京官益重頗優裕焉初除陌錢隸
度支帝以度支自有兩稅及鹽鐵榷酒錢物以充經費
是錢宜別貯之給京官俸料之餘以備他用自此戶部
別庫歲貯錢物僅三百萬貫京師俸料所費不過五十
萬貫其京兆和糴物價及度支給諸軍冬衣或關悉以
是錢充之他用之外嘗貯僅二百萬貫國計賴焉八月
勅准田令永業田職事官從一品郡王各五十頃國公
若職事官正二品各四十頃郡公若職事官從二品各

三十五項縣公若職事官從三品各二十項侯若職事官正四品各十四項伯若職事官從四品各十一項

五年四月以大子少傅兼禮部尚書蕭昕為工部尚書前大子少詹事韋建為秘書監並致仕仍給半祿料後授致仕官者並宜准此舊例致仕官給半祿及賜帛其俸料悉絕帝念歸老之臣時命賜其半焉致仕官給半祿料自昕等始也

十二月詔郡縣主聳有正員官停者郡主每季給錢七

十千縣主每季給五十千郡縣主聳已亡歿者亦准此
支給先是其主聳或官罷者頗不自給帝務於敦睦故
有是命

七年三月戶部奏伏以周漢故事有功即加地有罪即
奪國既明賞罰方申沮勸其犯除名以上罪有實封准
法合除比來因循兼不申舉自今以後應實封人或緣
罪犯其堂省及本軍本使本貫奏狀請令並標實封戶
數本犯州名同奏勅下戶部以為憑據其犯法罪三分

望奪一分流罪奪一半除名以上罪即准法悉除並以本犯條論不在減贖之限其奉特勅貶謫驗制詞內所犯無正條者伏請准流罪奪一半勅旨依奏

十一月詔郡主聳檢校四品京官者月給三十千歲給祿粟百二十石縣主聳簡較五品京官者給俸二十千祿粟百石其正官欲從舉選者聽之如登朝不用此制
八年七月減山南西道州縣官俸

八月戶部奏准貞元七年三月二十日勅節文比來食

實封人多不依令式皆身歿之後子孫自申請傳襲伏請自今以後并今日以前應食實封人並一年內准式具合襲子孫官品年名并母氏嫡庶於本貫陳牒如無本貫即於食封人本任本使申牒如合襲人有罪疾及身死者亦限一周年內申牒請立以次合襲人仍具家口陳牒請附籍帳本貫勘責當家及近親如實是嫡長即與責保准式附貫然後申省到後即取文武職事三品正員一人充保勅旨宜依

十年二月詔曰君臣之際義莫重焉每聞薨殂深用惻悼宜厚哀榮之禮以申終始之恩文武朝臣有薨卒者自今以後其月俸料宜全給仍更准本官一月俸料以為賻贈若諸司三品已上官及尚書省四品官仍令有司舉舊令聞奏行弔祭之禮務從優備用稱朕懷初左庶子雷咸以是月朔卒有司以故事計其月俸以月數給之帝聞之故有是命以廣恩澤無幾有致仕官卒者有司以官雖致仕而朝朔望請悉同正官卒者給賻從

之

十一年八月屯田奏諸州府送納內外文武官職田及
公廨田四至白簿等前件簿書准天寶十四年八月十
二日勅每年六月十三日勘造申省如建本判官牒吏
部先用闕本典准法科處者伏以地段佃戶並無改移
隨年造簿實有勞費今請令諸州府及畿內縣三年一
送遠限者准勅科處勅旨每年造簿事乃近煩三年一
申又為大簡如外官並須勘造切慮因此擾人宜令應

管京官職田等州府所造文簿二年一送餘依

十二年四月禮部尚書李齊運奏當司本錢至少厨食
闕絕請准秘書省大理寺例取戶部闕職官錢二千貫
文充本收利以助公厨可之

是年御史中丞王顏奏簡勘足數十王厨二十貫十六正

宅三百九十二貫門下省三千九百七十貫中書省五千九百九十五貫

八貫集賢院四千四百六十八貫崇玄館五百五十八貫弘文館七百二十六貫

二百文太清宮一千一百一十貫史館一千三百一十貫尚書都省一萬二千一百一十貫

五貫二百
三十八文
吏部尚書銓
三千一百八十
二貫二十文
東銓
二千四百
四十五貫

三百一
十文
西銓
二千四百三十三
貫六百六十一文
南曹
五百八十
十貫文
甲庫
二百八十

四貫六
十五文
功狀院
二千五百
百貫文
流外銓
三百
貫文
急畫
五百
貫文
主事
二百

貫
文
白院
五千六百二十
十三貫文
考功
一千五百二十六
貫一百九十五文
司勳
二百

八貫
文
兵部
六千五百二十
五百五十二文
戶部
六千貫五百
五十六文
工倉部

四百七十七貫
三百三十文
兵部
三百
貫文
刑部
六
貫文
禮部
三千五百二
十八貫五百

三十
七文
工部
四千三百二十
九百五十九文
御史臺
一萬八千五百
九十一貫文
東

都御史臺
五十
貫文
西京觀察使
五千四十六
貫八百五文
三衛使
五百
貫文

軍器使

二千一百九十文

監食使

七十四貫五十文

秘書省

四十

七十文

殿中省 二百三十八貫五百文

太常寺

一萬四千二百五十四貫八百文

太

常禮院

一千七百貫文

光祿寺

一百五十六貫文

衛尉寺

一千二百四貫八百

七宗正寺

一千八百八十四貫文

大理寺

五千九十二貫八百文

太僕寺

三千

貫文 鴻臚寺

六千六百五十九文

司農寺

五千六百五十二文

大倉

諸色共

七百八十七貫四百三十四文

大府寺

二千二百八十一貫六百三十三文

左藏庫

將作監

七百

少府監

六百七十八貫七百文

中尚

七百七十貫文

國子監

三千三百八十二貫三百六十文

詹事府

一千七百一十六貫七百三十二文

家令寺

七百

八十七貫
九百文
僕寺四百貫文
左春坊一百八十四貫六百文
右春坊二百八十

貫
文
崇文館八百一十貫文
司天臺二百八十貫文
皇城留守一千二百三十四貫

八百文
右金吾衛九千貫文
右金吾引駕仗三千三百六十九貫文
右街

使一千八百六十貫八百三十文
左金吾衛九千九百五十五貫文
左金吾引駕仗

六千一百二十貫文
左街使三千九百一十六貫三百八十文
總監三千貫文
京兆府

四萬八千八百八十九貫二百二十四文
京兆府御遞院二千五百貫文

十四年六月判度支于頔請收百官闕職田以贍軍須

從之

十五年十二月詔今年十月三日詔權減諸道

刺史判軍事料及專知勾當加手力課并減縣官手力
門倉獄子園子館鐸廨宇等錢宜一切却仍舊初獻計
者言收諸道軍事錢及手力資課等當得百數十萬貫
可以助軍興于頌時判度支又贊成之及筭計大數止
於三十萬貫而數中更有耗析雜破纔十餘萬貫輿議
甚以為不便韋臯張建封又相次表言所得至微所失
大體因此人心頗不安故命復封也

乾
強
山
震
震
震

冊府元龜卷五百六

欽定四庫全書

子部

冊府元龜卷五百八十七

詳校官中書臣丁崇祚

侍讀臣孫球覆勘

總校官庶吉士臣何思鈞

校對官中書臣陸湘

謄錄監生臣范鳴謙

謄錄監生臣李廷對

欽定四庫全書

冊府元龜卷五百七

宋 王欽若等 撰

邦計部

俸祿第三

唐順宗以貞元二十一年正月即位制百官及在城諸
使息利本錢徵放多年積成深弊內外官料錢職田等
厚薄不均兩稅及諸色權稅錢物重輕須有損益宜委
中書門下與所司商量其利害條件以聞不得擅有開

糴禁錢務令通濟又詔停內侍郭忠政等十九人正員
官俸錢

七月中書門下奏勅釐革京百司息利本錢應徵近親
及重攤保并遠年逃亡等今年四月十七日勅本利并
放訖其本事須借錢添填都計二萬五千九百四十三
貫六百九十九文伏以百司本錢久無疎理年歲深遠
亡失頗多食料既虧公務則廢事須添借令可支持伏
望聖恩許令准數支給仍請以在藏庫度支除陌錢充

勅旨宜依

憲宗元和二年正月尚書左丞鄭元請取河中羨餘錢三千貫文充助都省厨本從之前為河中節度因有是請議者以為省司公膳自有成制苟或不足當更請於上不宜以前任羨財而私加之也

六月中書門下上言伏以聖政惟新事必歸本近又疎理五坊戶邑令府縣却收萬情欣喜出望外臣等敢不釐革舊弊率先有司上副聖情用弘至理其兩省納

課陪厨戶及捉錢人摠一百二十四人臣當司並不收管望各歸府縣從之

五年六月戶部侍郎判度支李夷簡奏應給食實封官自貞元十三年已後節度使兼宰相每百戶給八百端匹若是絹更給綿六百兩節度使不兼宰相每百戶給四百端匹軍使及金吾諸衛諸軍大將軍每百戶給三百五十端匹至貞元二十一年七月六日勅應食實封其節度使宜令百戶給八百端匹若是絹兼綿六百兩

伏以食封本因賞功封之多少視功之厚薄不以官位散要別制等差其節度使兼宰相請准舊例餘節度不兼宰相准貞元二十年已前例處分從之

六年四月御史臺奏諸使慮有捉利錢戶請同臺省例如有過犯差遣並任府縣處置從之

五月御史中丞柳公綽奏請諸司諸使應有捉利錢戶其本司本使給戶人牒身稱准放免雜差遣夫役等如有過犯請牒送本司本使科責府縣不得擅有決罰仍

永為常式者臣昨因奉進止追勘閑廐使下利錢戶割耳進狀劉嘉和訥被所繇分外科配等事由因勘責劉嘉和所執牒身所引勅文簡勅不獲牒閑廐使勘勅下年月日又稱遠年文案失落今據閑廐使利錢案一使之下已有利錢戶八百餘人訪聞諸使並同此例戶免失役者通計數千家况犯罪之人又常僥倖所稱捉利錢戶先亦不得本錢百姓利其牒身情願虛立保契文牒一定子孫相承至如劉嘉和情願充利錢戶事繇緣

與人毆鬪打人頭破時便於閑廐使情願納利錢得牒
身免府縣科決實亦不得本錢已具推問奏聞訖伏奉
進止令臣具條流奏聞者今請諸司諸使所管官錢戶
並依臺省舉本納利人例諸司諸使更不得妄有准勅
給牒身免差遣夫役及有過犯許作府縣處分如官典
有違請必科處使及長官奏聽進止其先給牒者並仰
本司使收毀入後在人戶處收毀不盡其官典必有科
責其捉錢戶元不得本錢者亦任便不納利庶得州府

不失丁夫姦人免有僥倖勅旨宜依如已經處分後更有執此文牒求免差遣夫役者便委京兆府據罪科責仍具本司本使名銜聞奏六月詔減教坊樂官衣糧

八月戶部侍郎李絳奏諸州闕官職田祿米及見任官抽一分職田請所在收貯以備水旱賑貸從之又詔百官職田其數甚廣今緣水潦諸處道路不通宜令所在貯錢充度支支用百官却令據數於大倉請受

十月詔河南水陸運陝府陝運潤州鎮海軍宣州採石

軍越州義軍洪州南昌軍福州靜海軍等使額並宜停
所收使已下俸料一事已上各委本道充代百姓闕額
兩稅仍具數聞奏如聞河南陝府兩處比來所給皆是
置本利息不破正錢勒便添充兩倉錢雜給不要更徵
庶我愛人之心不止於惜費立制之意必在於正名

閏十一月勅河中鳳翔易定四道州縣久破俸給至微
吏曹注官將同北遠在於理體切要均融宜以戶部錢
五萬五千貫文充加四道州縣官課料

七年六月加賜澤潞礪邢洺五州府縣官料錢

十二月以廊坊邠等三州官吏近邊俸薄各加賜其料

錢

是年中書門下奏國家舊章依品制俸官一品月俸三十千其餘職田祿米大約不過千石自一品已下多少可知艱難已來綱禁漸弛於是增置使額厚請俸錢故大歷中權臣月俸有至九千貫者列郡刺史無大小給皆千貫常袞為相始立限約至李泌又量其閑劇隨事

增加時謂通濟理難減削然有名存職廢額去俸存開劇之間厚薄頓異將為定式須立常規制從之乃命給事中段平仲中書舍人常貫之兵部侍郎許孟容戶部侍郎李絳等詳定減省

九年八月詔諸司食料錢緣初令戶部出放已久散失頗多須有變通使其均濟其中書門下兩省及尚書省御史臺或務總樞機或職司彈糾而倍稱息利於體尤乖宜以戶部除陌錢每貫先收二十文數外更加五文

委戶部別收貯計其所費逐處支給其本利錢先出放者宜各委本司勘會聞奏其合徵收者便充當司公廨什物添修等用其諸司食利亦准此勘會其合徵錢便充飯錢若數少不充以其前件除陌五文錢量所欠添本出放其所收五文錢每歲不闕添本之外合有所餘諸司廨宇破壞者便充修補緣諸司人吏轉遷不常新舊之間因緣乾沒諸稱走失職此之繇何後須令本判官勾當勒令一一交割者遞相公付仍委御史臺一人

專知勘覆仍先具條流聞奏

十一月戶部奏准八月十五日勅諸司食利本錢出放
已久散失頗多各委本司勘會其合徵錢數便充食錢
若數少不充以除陌五文錢量其所欠添本出放者令
准勅各牒諸司勘會得報據秘書省等三十二司牒應

管食利本錢物五萬三千九百五十二貫九百五十五

文

各隨司被逃亡散失見在見徵數額
與元置不同今但據元置數額而已秘書省

三千三百八十

四貫五
百文

太常寺

六千七百二十
二貫六百六文

光祿寺

一千二百九十
九貫六十四文

宗正寺

一百一十七貫九十五文

衛尉寺

一千二百五十一貫九百文

太僕寺

一千九百貫

五百大理寺

五千九百二十四貫七百四十文

鴻臚寺

二千六百六十貫文

司農

寺

二千七百三十五貫七百七十文

大府寺

一千五百八十九貫九百文

殿中省

九百九十貫

五百文詹事府

一千一百九十一貫三百七十七文

國子監

二千六百四十四貫二百

五十文少府監

一千三百三十四貫七百三十一文

將作監

一千六百一十七貫文

左

春坊

一千三百八十八貫七百七十文

右春坊

一千貫文

司天臺

三百八十八貫文

家令司

一千八百一十貫七百七十文

太僕寺

四百三十六貫六百五十文

總監

二千六百七十二貫文

左藏庫

六百二十貫文

尚食局

三百三十貫文

尚舍局

三百七十四貫三百文

尚輦局

一百貫文

太倉

二千四百一十五貫六百八十一文

內中局

六百三十六貫二百

大

萬年縣

三千四百貫六百文

長安縣

二千七百四十五貫四百三十三文

左衛

五百

四十貫文

左司禦帥府

二百四十貫文

右司禦帥府

一百貫文

勅宜更委

御史臺子細簡勘具合徵放錢數及量諸司閑劇人日

加減條流奏聞

十二月勅比緣諸司食利錢出舉歲深為弊頗甚已有
釐革別給食錢其御史臺奏所勘責秘書省等三十二
司食利本錢數內有重攤轉保稱甚困窮者據所欠本

利並放其本戶中納利如有十倍以上者既緣輸利歲久理亦可矜量准前本利並放其納經五倍以上從今年十二月以前應有欠利並放起元和十年正月以後准前計利徵收其餘人戶等計其倍數納利非多不可一例矜放宜並委本司准前徵納其諸司所徵到錢自今已後仍於五分之中常抽一分留添官本各勒本司以後相承收管其諸司應見徵納及續舉放所收利錢並准今年八月十五日勅充添脩當司解字什物及令

史驅使官厨料等用仍委御史臺勾當每常至年終勘會處分其諸司除踈理外見在本錢據額更不得破用如有欠失即便勒主掌官典所繇等據數填賠其中書門下兩省及尚書省御史臺應有食利錢外亦便令准此條流處分其諸司除此食利錢更別有諸色本錢不得妄援此例

十年正月御史臺奏秘書省等三十二司除踈外見在食利本錢應見徵納及續舉放所收利錢准勅並充添

修當司解宇什物及令史驅使官厨料等用准元和九年十二月二十九日勅仍委御史臺勾當每至年終勘會處分其諸司踈理外見在本錢據額不得破用如有欠失即便勒主掌官典所繇等填賠者其諸司食利本錢踈理外合徵收者請改案額為元和十年新收置公解本錢應緣添修解宇什物及令史府史等厨並用勒本司據見在戶名錢數各置案歷三官通押逐委造帳印訖入案仍不得侵用本錢如人戶辦納本利錢縱都

數未足亦勒據數與納召主別置案歷准前通押如至
年終勘會欠少本利官典諸節級准法處分如主掌官
典改移亦勒造帳交付承後官典具單帳報臺交割分
明即給前官典牒知公驗如欠少本利送臺勘責具事
由聞奏即冀官錢免至散失年額既定勾當有憑勅旨
宜依

十二月勅新授右散騎常侍任迪簡秘書少監獨孤郁
等如聞疾患日久未任視事其俸料等宜令所司住給

十一年八月勅京城百司諸軍諸使及諸道應差所由并召人捉本錢右御史中丞崔從奏前件捉錢人等比緣皆以私錢添雜官本所防耗所裨補官利近日訪聞商販富人投身要司依託官本廣求私利可徵索者自充家產或逋欠者證是官錢非理逼迫為弊非一今請許捉錢戶添放私本不得過官本錢勘責有剩並請設官仍量輕重科處其所放官本并許添私本每舉放數足仰錢戶具所舉人姓名錢數狀報本司仰本司收連

入案三官同押排科印記仍各隨錢人牒知如他時因
有論競勘案歷不同不在與徵理之限庶官利不失私
家獲安從之

九月東都御史臺奏當臺食利本錢從貞元十一年至
元和十一年息利十倍以上者二十五戶從貞元十六
年至元和十一年息利七倍以上者一百五十六戶從
貞元二十年至元和十一年息利四倍以上者一百六
十八戶伏見去年京畿諸司本錢並條流甄免其東都

未蒙該及者竊以淮寇未平供饋尚切人力小弊衣食
屢空及納息利年深正身既沒子孫又盡移徵親族旁
食無支族散徵諸保保人逃死或所繇代納縱有嫠老
孤獨仰無所依立限踰年虛繫錢數公食屢闕人戶不
堪伏乞天恩同京諸司例特甄減裁下勅旨從奏

十二年正月門下省奏應管食利本錢總三千四百九

十八貫三百二十一文

宰相已下至主錄等食利三百七十八貫三百四十餘文直省

院本錢准建中三年四月十五日勅以留院入錢置本

中書省奏當省食利本錢

共五千貫文

宰相已下官至主錄等食利錢一千貫直省院食利本錢准建中三年四月勅當院

自歛置本

准元和九年十二月九日勅令勘會踈理其見在

合徵錢准勅合充添修當司解字什物其省院本錢緣是當院自歛置本請便充本院添厨等用勅旨依奏

四月勅京百官俸料從五月已後宜並給見錢其數內一半先給元佑匹段者即據時估實數迴給見錢

八月京兆尹竇易直請改職田法並入兩稅地事竟不

行

十三年三月詔百司職田多少不均為弊日久宜令每
司各收職田草粟等數自長官已下據多少人作等差
除留闕官物外分給

六月以德埭倉景四州頃遭水潦給復一年遂定四州
官吏俸錢料刺史每月一百五十千望際上縣令每月
四十千餘有差

十四年三月屯田奏左右神策中尉准令式二品官令
受田一十頃請取京兆府折衝府院戎場塚埭公廨等

地七十七頃二十六畝八分數內取二十頃充前件官
職田依奏

四月初京畿二十二縣欠元和十四年京百司職田二
十二萬九十一石束貫等京畿百姓聞甚艱貧頃差船
運軍糧今又修營陵寢雖應緣驅役皆給價錢而屢有
役名頗妨農畝豈可更徵懸欠重使憂愁其所欠並宜
蠲免其合受納所欠職田或見在官班各請厚俸或近
終考秩稍有餘資宜體朕懷以寬人力是月重定淮西

州縣等制及官吏祿俸以蔡州為緊澁州為上其刺史俸錢月一百八十千申光二州並為中刺史月俸一百五千長史已下有差

十月御史中丞蕭俛奏應諸司諸軍諸使公廨諸色本利錢等伏緣臣當司及秘書省等三十二司利錢伏准今年七月十三日敕文至十倍者本利並放展轉攤保至五倍者本利並放緣前件諸司諸使諸軍利錢節文並不該及其中有納利百姓見臣稱訴納利已至十倍

者未蒙一例處分求臣上達天聽臣已面陳奏訖伏以
南北諸司事體無異納利百姓皆陛下赤子若恩澤均
及則雨露無偏伏望聖慈特賜豁免如允臣所奏伏乞
特降勅旨並進今年七月十三日赦文處分仍永為定
制勅旨依奏

穆宗以元和十五年正月即位二月詔內外百官食利
錢十倍至五倍已上節級豁免仍每經十年即內外官
百司各賜錢一萬貫充本各據司大小公事閑劇及當

司貧富作等第給付

六月勅朕聞帝王所重者國體所切者人情苟得其體必臻於太和如失其情是繇于小利况設官求理頒祿責功既有常數寧宜就減近者以每歲經費量入不充外官俸料據數抽貫再三思度終所未安穩念彼外方或從卑官一家所給三載言歸在公當耳于潔廉受祿又苦於減剋待我庶吏豈其然乎雖憂國之誠固須瞻助而恤人之慮將起怨咨必若水旱為虞干戈未戢事

非獲已人亦何辭今則幸遇豐登又方寧謐九州之內
永絕妖氛三邊之上冀除烽警自宜剋己以足用安可
剝下以為謀臨軒載懷實所增愧其度支所准五月二
日勅應給用錢每貫抽五十文都計一百五十萬貫文
並宜停抽初宰相以國用不足故權請抽減諫官及言
事者累陳表章以為非便故復下此詔以罷之

八月賜教坊錢五千貫充本以收息利

長慶元年三月勅添給諸司本錢准元和十五年五月

十一日勅內外百司准二月五日赦文宜共賜錢一萬貫文以戶部錢充仍令御史臺據司額大小公事開劇為等第均配

七月制百司職田在京畿諸縣者訪問本地多被所繇侵隱抑令貧戶佃食蒿荒百姓流亡半在於此宜委京兆府勘會均配務使公平

二年十月勅司徒兼中書令韓弘疾未全平尚須在假將息其俸料宜從勅下日便令所司支給

三年十一月賜內園本錢一萬貫軍器使三千貫

十二月賜五坊使錢五千貫賜威遠鎮軍錢一千貫以
為食利

四年五月勅近日訪聞京城米價稍貴須有通變以便
公私宜令戶部應給百官俸料其中一半合給匹段者
迴給官中所糴粟每斛折錢五十文其匹段委別貯至
冬糴粟填納大倉時人以為甚便

敬宗寶曆元年四月制京百司田散在畿內諸縣舊制

配地出子歲月已深佃戶至有流亡官曹多領虛數今欲據額均入地盤萬戶供輸百司盡得隨稅出子逐畝平攤比量舊制孰為允便宜委京兆府與屯田審勘計會條流聞奏

文宗太和元年三月鹽鐵使王播進停減鹽鐵官吏課料絹一萬六千三百匹

十一月嶺南觀察使胡証奏端康封三州刺史月俸錢請各給至一百貫文請當道自圓融支給從之

十二月殿中省奏尚食局新舊本錢總九百八十貫文
伏以尚食貧虛更無羨餘添給伏乞聖慈更賜添本錢
二千貫文許臣別條流方圓諸色改換收利支用庶得
不失公事勅旨賜本錢一千貫文以戶部五文抽貫錢
充

三年七月詔滄德二州州縣官吏等刺史每月料錢八
十貫錄事參軍三十五貫判司各置二人各二十五貫
縣令三十貫尉二十貫其令俸祿且以度支物充仍半

支省佑匹段半與實錢

四年七月勅吏部奏應比遠道州縣官課料錢請令依元額計支給不得更有欠折勅旨依奏

是月勅應外任官帶一品正京官縱不知政事其俸料宜付所司並令兼支

七年二月戶部侍郎庾敬休奏應文武九品已上每月料錢一半合給匹段絲綿等伏以自冬涉春久無雨雪米價稍貴人心未安自德音放免逋懸賑恤貧下中外

群庶已感聖慈至於衣冠之家素乏儲畜朝夕取給猶足為憂以臣愚見若令百官料錢內一半停給匹段絲綿等迴太倉粟每斛計價七十文在衆庶必見懽康於公家無所虧減待至麥熟米價稍賤即依前却給匹段等酌其事理庶叶變通勅旨宜依

八月初中書門下省所將本錢與諸色人給驅使官文牒於江淮諸道經紀每年納利並無元額許置如聞皆是江淮富家大戶納利殊少影庇至多私販茶鹽頗撓

文法州縣之弊莫甚於斯宜並勒停兩省先給文牒仍盡追收其去年所減人數雖無挾名尚執兩省文牒亦宜收訖聞奏以後不承正勅不在更置之限

八年八月劔南東川觀察使楊嗣復言普渝合三州刺史料錢及六十千者請自加給從之

九年正月勅中書門下兩省奏請依元和元年八月六日勅各置捉錢官勅中書省宜置三十人門下省置二十五人

六月詔宰相俸料宜准元和十四年已前例並給見錢十一月詔江西湖南以官健衣糧一百二十五分送上都充宰相名雇手力是日中書門下上言宰相上弼聖政下理群司若忠正無邪宗社所祐縱逢盜賊兵不能傷若事涉隱欺心懷矯妄雖有防衛神得而誅臣等願推赤心以荅聖獎孟軻知非臧氏孔子不畏匡人其前件衣糧並請勒停依從前制置只以金吾司手力充引從從之

開成元年五月判國子祭酒事門下侍郎平章事鄭覃
奏太學新置五經博士各一人屯田素無職田請依王
府官品秩例賜以祿粟許之

二年八月戶部侍郎李班奏京諸司六品以下官請假
往外違假不到本官停給料錢勅旨違限停俸料宜依
餘准令式

十月詔曰書載堯典首陳睦族詩歌周德實羨維城朕
嗣統百王憲章二代義雖本於敘族道無愧於尊賢式

遵舊章爰舉成命嘉王運循王邁通王常等皆孝敬恭
懿敏裕齊莊播蘭茝之清芬炳珪玉之符采易陵沛獻
詩掩楚元古人素風造次於是師氏典訓周旋以之固
可以超金紫之貴階升台鉉之崇秩策勲詔爵以寵分
茅並可金紫光祿大夫檢校司空賜上柱國仍依百官
例給料錢勅檢校吏部尚書安王溶檢校兵部尚書穎
王諒宜並依百官例賜料錢

三年七月勅尚書省自長慶三年賜本錢後歲月滋久

散失頗多或息利數重經恩放免或人戶逋欠無處徵收如聞尚書丞郎官入省日每事闕供須議添助除舊賜本錢徵利收及吏部告身錢外宜每月共賜一百貫文委戶部逐月支付其本錢任准前收利添充給用仍委都省納勒舊本及新添錢量多少均配逐行分析聞奏須令占額用度不得妄有破除每至季終委都省磨勘申中書門下

四年二月詔曰司徒兼中書令裴度盛有勲烈累任台

衡以疾恙未任謝上須加優異用示恩榮其本官俸料
宜起今日便付給所司

三月詔曰仙韶院樂官每月料錢數內減三百千轉給

翰林侍講太子少師王起

起富於文學寬厚長者理家
無法俸入及門盡為僕妾所

有老年寒餒帝念以故老哀其貧寡故特有加給
起不知陳讓而與令人分俸急於苟得時論讓之

六月文宗御紫宸殿宰臣李珣奏堂厨食利錢一千五
百貫文供宰相香油蠟燭捉錢官三十人頗擾百姓今
勘文書堂頭共有一千餘貫所收利亦無幾臣欲總收

此錢用自不盡假令十年之後更無此錢直令戶部供給亦得兩省亦有此錢臣亦欲商量共有三百餘人在外求利米鹽細碎非國體所宜帝曰大細碎楊嗣復曰百司食利實為煩碎自貞觀以後留此弊法臣等即條流聞奏乃奏宰臣置厨捉錢官並勒停其錢並本錢並追收勒堂後驅使官置庫收掌破用量入計費十年用盡後即據所須奏聽進止勅旨宜依

冊府元龜卷五百七

欽定四庫全書

冊府元龜卷五百八

宋王欽若等撰

邦計部

俸祿第四

唐武宗以開成五年正月即位二月制曰諸道承乏官等雖云假攝當責課程但需一半料錢不獲雜給料例自此手力紙筆特委中書門下條流貴在酌中共為均濟

三月中書門下奏准今年二月八日赦節文應京諸司
勒留官令本處尅留手力雜給錢與攝官者臣等檢詳
諸道正官料錢絕少雜給手力即多今正勒留亦管公
事俸入多少事未得中臣等商量其料錢雜給等錢望
每貫割留二百文典攝官其職田祿米全還正官從之
五月中書奏准今年二月八日赦節文應諸色勾留官
令尅下手力雜給等與本道州府充攝官課料無本司
起請者臣等詳檢諸道官員俸料不一或正官料錢絕

少雜給雜料過多若准赦文手力紙筆並令尅下則正官勾留亦領公事所請俸料不如攝官既未得中亦恐難守本司既無起請中書門下須與條流臣等商量應諸色勾留官正料及手力課雜職課雜給雜料紙筆等錢望各委本州都計錢數每貫尅二百文充攝官俸料其職田祿粟米望令全還正官不在計入諸色錢數之限臣等又以諸州長馬本是散員判司簿尉或須假攝其所尅留錢望委州司酌量閑劇差署均融多少支給

亦不要各占本色錢數及填滿缺負仍令每至歲終分
析申報戶部從之

會昌元年二月中書奏河東隴右諸州或興王舊都或
陪京近地州縣之職人合樂為祇緣祿俸寡薄官同北
遠元和六年閏十二月十二日及元和七年十二月二
十四日勅河東鳳翔鄜坊邠州易定等道令戶部加給
課料錢共六萬二千五百貫文曹省出得平留官數百
員時議以為至當自後訪聞戶部所給零碎兼不及時

觀察使以其虛折皆別將破用徒有加給不及官人近地好官依前北遠伏望今日已後令戶部却興實物仍及時支遣諸道並委觀察判官專判此案隨月加給官人不得別將破用如有違越觀察判官遠貶觀察使奏取進止有選人官成後皆于城中舉債到任填還致其貪求罔不繇此其今年河東隴州廊坊邠州新授北遠官等許連狀相保戶部各借兩月加給料錢至支給時尅下所異初官到任不滯息債衣食稍足可責清廉從

之

四月河南府奏當府食利本錢出舉與人勅旨河南府所置本錢用有名額既無別賜所闕則多宜令改正名額依舊收利充用

六月河中晉絳慈隰等州觀察使孫簡奏准赦書節文量縣大小各置本錢逐月四分收利供給不乘驛前觀察使刺史前任臺省官等晉慈隰三州各置本錢訖得絳州申稱無錢置本令使司量貸錢二百貫充置本以

當州合送使錢充勅旨宜依仍付所司

是月戶部奏准正月九日勅文放免諸司食利錢每年
別賜錢三萬貫文充諸司公用今准赦文酌量閑劇率
配如後准長慶三年十二月九日勅賜諸司食利本錢
共八萬四千五百貫文四分收利一年祇當四萬九百
九十二貫文今據赦文所賜錢三萬貫文若據舊數率
配即欠一萬九百九十二貫不足今請落下徵錢驅使
官每貫二百文課並更請於合給錢內四分中落一分

均攤分配長慶三年得新賜錢三十二司外更有剩錢
五百四貫八百文便將此錢均給東都臺省等一十四
司祇用新賜錢三萬貫文並得充足諸司雖落下一分
錢緣置驅使官員於人戶上徵錢皆被延引或人逃散
失落常不得足雖有四分收利之名而無三分得利之
實今新賜錢入日便請更無懸欠用即可足繁劇司比
有官錢出放欠亦侵用本錢今既無本錢支料須足伏
緣中書門下公事不同諸司恐不可落下一分及徵錢

人課今請每月並舊錢添至三百貫文其御史臺頻得報牒稱本錢數多支用處廣雖有諸道贓罰錢公用常不充足今請每月合得利錢數外每月更添至三百貫文內侍省據自司報牒稱省內公用稍廣利錢比於諸司最多今請於合得錢外亦添至三百貫文兵部吏部尚書等銓一十一司緣有舊本錢准勅放免又有公事今請每月共與一百五十貫文并中書門下御史臺及兵吏部諸銓每年共當六千八百二十九貫六百文伏

緣三萬貫文均給諸司已盡臣今於新賜外更請添賜上件錢所費不廣所利至多則內外諸司永得優足伏望聖恩允臣所奏其諸司分配賜錢若據諸司牒報見收利多少分配或以人戶逃散經恩放免見在本錢所存無幾其間有三五司自方圓致本數即稍多事例不同難於均一人吏得以欺隱實數不可交尋今請依長慶三年十二月九日均賜錢勅額分配新賜錢三萬貫事有根抵亦得均平酌量閑劇皆有所據其逐日錢數

多少續具子細分析聞奏勅旨宜依

二年正月勅去年赦書所放食利祇是外百司食錢令戶部共賜錢訖若先假以食利為先將充公用者並不
在放免如聞內諸司息利錢皆以食利為名百姓因此亦求蠲免宜各委所司不在放免限

六年二月詔以諸道鑄錢已有次第須令舊錢流布緡價稍增文武百寮俸料起三月一日並給見錢其一半先給虛匹段對估時價支給

三月戶部奏百官俸料一半匹段給見錢則例勅旨其
一半先給元估匹段者宜令戶部准元和十二年四月
十三日勅例每貫給見錢四百文使起四月以後支給
八月勅夏州等四道土無絲蠶地絕征賦自節度使以
下俸料賞設皆尅官健衣糧所以兵占虛名軍無戰士
緩急寇至無以支敵將欲責課又皆有詞須有商量用
革前弊夏州靈武振武節度使宜每月各給料錢厨錢
共三百貫文監軍每月一百五十貫文別勅判官每月

五十貫文節度副使每月七十貫文判官掌書記觀察
判官每月各五十貫文推官四十貫文賞設每道每年
給五千貫文修器械每道給二千貫文天德軍使料錢
厨錢每月共給二百貫文監軍每月二百貫文都防禦
副使每月五十貫文判官每月四十貫文巡官每月三
十貫文賞設每年給三千貫文修器仗每年一千貫文
如以後依前兵額不實器仗不修其本判官重加貶降
王師別舉處分其所給料錢等並以戶部錢物充起十

月支給一年以後仍每秋一度差御史一人點簡兵士
器仗聞奏

十月京兆府奏諸縣徵納京百司官秋職田斛斗等伏
請從今已後却准會昌三年已前舊例上司官斛斗勒
人戶使自送納所異輸納簡便百官各得本分職田縣
司所由無因隱欺者並從之

十二月中書門下奏應諸州刺史既欲責其潔已須令
俸祿稍充但以厚薄不同等給無制致使俸薄處無人

願去祿厚處終日爭先應諸中下州司馬軍事俸料共
不滿一百千者諸添至一百千其緊上州不滿一百五
十千者請添至一百五十千其雄望州不滿二百千者
請添至二百千其先已過者即得仍舊並任於軍事雜
錢中方圓置本收利充給如別帶使額者並仍舊不在
添限勅旨依准奏

宣宗大中元年十月屯田奏應內外官請職田陸田限
三月三十日水田限四月三十日麥田限九月三十日

已前上者入後人已後上者入前人伏以令式之中並不該閏月每遇閏月交替者即公牒紛紜有司即無定條莫知所守伏以公田給使須准期程時限未明實恐遺闕今請至前件月遇閏即以十五日為定式十五日已前上者入後人已後上者入前人據今條其元闕職田並限六月三十日春麥限三月三十日宿麥限十二月三十日已前上者入新人已後上者並入舊人今亦請至前件月遇閏即以十五日為定式所冀給受有制

永無詐論勅曰五歲再閏固在不刊二稔職田須有定制自此已後宜依屯田所奏永為常式

三年九月勅秦州刺史並秦成兩州經略天雄軍使職田夏小麥共八十石秋粟一百二十石原威州刺史職田夏小麥各二十三石秋粟各六十六石七斗又勅秦州刺史祿粟每月給五十一石原州威州刺史祿粟每月各給四十一石

四年正月勅設官分局各有主張其於在公責辦斯切

諸州府及縣官到任已後多請遠假或稱周親疾病或言將赴婚姻令式既有假名長吏難為止遏遂使本曹公事併委北廳手力俸錢盡為已有勤勞責罰則在人須有條流俾其兼濟其諸州府縣官如請公廨假故一月已下即任權差諸廳判官一月已下即任權差諸廳判官一月已上即准勾留例其課料等據數每尅二百文與見判案官添給九月賜張直方簡校工部尚書料錢直方仲武之子以其全家歸闕故優假之

哀帝天祐元年八月四鎮節度使朱全忠進汴滑監軍使俸料絹四千匹充百官八月九日俸錢

九月勅奉太后慈旨以兩司綱運未來百官事力多闕旦夕霜冷深軫所懷令於內庫方圓銀二千一百七十二兩充見任文武嘗參官救接委御史臺依品秩分俸二年四月勅文武二柄國家大綱東西兩班官職同體咸裨聖運共列朝廷品秩相對於高卑祿俸皆均於厚薄不論前代祇考本朝太宗皇帝以中外臣寮文武參

用或自軍衛而居臺省亦繇衣冠而秉節旄足可明武
列文班不合分清濁優劣近代浮薄相尚凌蔑舊章假
偃武以修文競棄本而逐末雖藍衫魚章簡一見而便
許昇堂縱拖紫腰金若非類而無繇接席以是顯揚榮
辱分別重輕遽失人心盡隳朝體致其今日實此之由
須議更改漸期通濟文武百官自一品已下逐日所給
料錢並須均勻數目多少一般支給兼差使諸道亦依
輪次既就公平必期開泰凡百臣庶宜體朕懷

三年三月詔曰所有百官俸料實繫國用盈虛昨自去冬令給全俸及支遣之後公帑不充蓋道途初通綱運未集徒挂憂勤之念尚牽經費之資若不議均分則必至懸絕量其物用須有指揮其百官逐月料錢宜令左藏庫自今年正月支半俸

梁太祖開平三年正月詔曰秩俸所以養賢而勵奉公也兵車未戢貢賦莫充朝謁甚勤祿廩蓋寡朕今啓建都市已畢郊禋職采至多費用差少其百官逐月俸料

委左藏庫依前例全給

後唐莊宗同光元年十月勅如聞京百官俸錢至薄骨肉數多支贍不充朝夕難遣為庭時刻削嚴急不敢披陳今既混同是行優恤下御史臺在班行有欲求外職或要分司各許於中書門下投狀奏聞

三年二月租庸院奏諸道州縣官並防禦團練副使判官等俸料各據逐處供到事例文帳內點簡舊來支遣則例錢數不等所折給物色又加擡錢數不定難為勘

會合除東京管內州縣官見支手力課錢且依舊外其三京並諸州約舊日支遣料錢等重定則例兼切循本朝事體防禦團練除副使判官外其餘推巡已下職員皆是本使自要辟請圓融月俸贍給亦乞依舊規繩省司更不給支錢物其防禦團練副使判官副使逐月料錢三十貫文實判官逐月二十貫文實刺史州元無副使若有請廢其軍事判官所有月俸亦是刺史俸內支贍三京少尹料錢逐月三十貫文實赤縣令每月正授

料錢二十五貫文實主簿每月料錢一十二貫文實畿
縣令每月料錢二十貫文實主簿每月料錢一十貫文
實司錄叅軍每月料錢二十貫文實諸曹判司每月料
錢一十二貫文實文學參軍每月料錢五貫文實諸州
府錄事參軍各依逐州上縣令支州司判司各依逐州
上縣主簿支一萬戶已上縣縣令每月料錢二十三貫
文實主簿每月料錢一十二貫五百文實九千戶已上
縣縣令每月料錢二十二貫文實主簿每月料錢一十

二貫文實八千戶已上縣縣令每月料錢二十一貫文
實主簿每月支一十貫五百文實七千戶已上縣縣令
每月支二十貫文實主簿每月支一十一貫文實六千
戶已上縣縣令每月支一十九貫文實主簿每月支一
十貫五百文實五千戶已上縣縣令每月支一十八貫
文實主簿每月支一十貫文實四千戶已上縣縣令每
月支一十七貫文實主簿每月支九貫五百文實三千
戶已上縣縣令每月支一十六貫文實主簿每月支九

貫文實二千五百戶已上縣縣令每月支一十五貫文
實主簿每月支八貫五百文實二千戶已上縣縣令每
月支一十四貫文實主簿每月支八貫文實一千五百
戶已上縣縣令每月支一十三貫文實主簿每月支七
貫五百文實一千戶已上縣縣令每月支一十二貫文
實主簿每月支七貫文實五百戶已上縣縣令每月支
一十一貫文實主簿每月支六貫五百文實五百戶已
上縣令每月支一十貫文實主簿每月支六貫文實自

赤縣令已下考滿并差攝比正官並支一半如諸道舊
有田處令後不得占留開破並依百例輪稅奉勅宜依
是月租庸院奏新定四京及諸道副使判官已下俸料
請降勅各下逐處支遣兼除所置副使判官掌書記推
官外如本處更安排簡置官員即勒本道節使自備請
給不得正破係省錢物其諸道藩鎮請祗置節度副使
節度副使每月料錢四十貫文依除實錢厨料米一石
麵二石肉價錢三貫文蒿六十束柴三十束春服絹一

十五匹冬服絹一十五匹綿三十兩私馬二匹草料節
度觀察判官料錢每月三十貫文依除實錢厨料米六
斗麩一石五斗肉價錢二貫蒿四十束柴二十束春服
絹一十二匹冬服絹一十二匹綿二十五兩私馬一匹
草料節度掌書記料錢每月二十五貫文依除實錢厨
米六斗麩一石二斗肉價錢一貫五百文蒿三十束柴
一十五束春服絹一十四匹冬服絹一十四匹綿二十兩私
馬一匹草料留守兼判六軍請置副使判官推官三員

副使依節度副使例判官依節度觀察判官例推官依
諸道推官例留守不判六軍請置判官推官二員判官
依節度觀察判例推官依諸道推官例四京府請祇置
推官一員如已有判官即不置推官其請受准留守推
官例其料錢准百官例折支所有厨料時服等即給本
色勅宜令諸道節鎮依舊更置觀察支使一員其俸料
春冬衣賜仍准掌書記例支遣餘依租庸院所奏

明宗天成元年十月水部員外郎劉知新奏尚書省京

師會府輦轂繫司奏議雖委於官寮行遣亦資於胥史
六典之制官吏有俸有糧其尚書省諸司令史伏請給
賜月糧俾其奉職

二年十月詔曰策名筮仕誠切於進身制祿命官儀從
於責實既懲黷貨宜有代耕應天下州縣官員逐月俸
料如聞支給多不及時縱或支遣皆是爛弱斛斗既闕
供須難責庶慎自北隨處官員所破料錢宜令逐縣人
戶於合送納稅物內計折充支一則免勞人戶輸送一

則便於官寮仍下三司速與計度

四年七月給事中許光義奏請支令錄實料錢責於守
法

八月北京奏留守巡官料錢未有省司則例取勅旨承
前使府置判官皆本使臨時辟請無朝廷除拜之例

同光初租庸使孔謙以軍儲諸給白於郭崇韜諸道奏
請判官員外數過多徒費軍食請為定額乃奏使幕祇
置節度觀察判官書記支使推官十一員留守置判官
各一員三京府置判官餘並罷俸錢自節度判官三十
千已降有差謙又奏百官俸錢數日人多折支非實請
減半數皆支實錢並從之洎同光末謙得罪廢租庸使

額謙之弊政皆削除惟有定官員減俸之事因循未革所及一半實俸餘從虛折議者非之

長興二年閏五月起居郎曹琛奏兩班或請假歸寧或染病未損纔注班簿便住料錢勅旨有禮於君克勤於國為臣所重自古皆然其或令朝不朝即虧匪懈無病稱病亦屬自欺儻異下水須資勿藥卧疾非人情所欲歸寧光孝治之朝曹琛所奏文武官員請歸寧准式假及實卧病者並許支給本官料錢宜依或有託病不赴朝叅故涉曠怠者慢於事君何以食祿如聞糾奏當責

尤違

是月勅諸道行軍司馬副使判官已下賓寮等考滿未
有使贊人宜令並全支俸料元不在省司給俸者不在
此例

八月勅刑法之司朝廷重委是以前王應運必繇獄訟
所歸庶物無冤然後陰陽式序豈獨繫於彼相實亦賴
於有司冀致和平共期仁壽宜示優崇之道以明獎激
之方此後大理寺官員宜同臺省官吏昇進其法直比

禮直官任使庶皆知勸咸切奉公如有能雪寃疑則別
議超擢苟舞弄文法必舉憲章明懸黜陟之科貴益公
忠之懇御史臺每月支錢三百貫充曹司人力紙筆糧
課其大理寺先支錢二十貫文與臺中此類全少刑部
一司則未曾支給宜於兩班罰錢及三京諸道贓罰錢
內每月支錢一百貫文賜兩司其刑部官吏人力不多
兼使紙筆較少宜於所賜一百貫內三分支與一分
十月將作丞襲封介國公宇文頡奏蒙恩襲封除官無

襲爵俸給詔時給本官俸

三年五月樞密使范延光等奏諸道指揮使月俸未有定制請大藩鎮都指揮使月賜料錢三十貫糧二十石春衣十五匹冬衣二十五匹其餘藩府約此為等第從之

七月范延光奏侍衛親軍都指揮與小指揮每月料錢春冬衣賜元一例支給無等差昨併省軍都自捧聖嚴衛相羽林已下逐廂都指揮使新定名管禁兵五千人

欲為等第每月添支料錢各三十千糧十五石衙官糧十分從之

四年七月辛丑以親直指揮使王敬遷領高州刺史奉化左廂都指揮使烏敬千領漳州刺史神武右廂都指揮使安彥珣領融州刺史神武右廂都指揮使李彥超領邠州刺史內直都指揮使薛懷德領巒州刺史將校賞功遙領郡牧而以郡之高下給刺史俸料故也

九月范延光奏隔在兩川兵士家口自來支給衣糧今

緣國計不充欲權停支給帝曰彼非願留因事睽阻父子此離非人情也不可頓絕支給其間願歸鄉貫者從之如有子弟許繼其父兄本軍名糧如無鄉里可歸無子弟承繼且糧支一半以是曉喻其家

愍帝以長興四年即位十一月前初州軍事判官張東周獻封事判官及長史司馬無料錢處請權停掾曹一員以本官料錢充給從之

末帝清泰元年七月詔洋王從璋涇王從敏月各給俸

錢一十萬米麥各五十石僦三十人衣糧馬十五匹芻

粟

二王自方鎮入朝
自是留守洛陽

晉高祖天福二年十月詳定院奏前隰州蒲縣令竇溫
顏進策一十一件可行者有二其一曰伏見所在縣令
有差配百姓紙筆及課錢戶者朝廷付以宰字貴要撫
綏支給料錢合專慎守逐日紙筆之用所費不多隨處
等力之名皆有定數多是擅放甚為貪污時望降以嚴
條除其宿弊伏慮州縣官逐月所給正俸皆無見錢使

府給配之時皆是虛額計筭伏請州縣官所給料錢雜物准折一依逐處時估者臣等叅詳凡闕課戶皆是強名縣宰將治凋疲不合別生差配據茲條件請賜改更所給料錢難議條理勅旨宜並施行

六年二月甲午詔諸衛上將軍月增俸錢二萬

少帝天福八年二月權知開封府事邊蔚逐月支錢七十貫米五石麵十石僦人十人日食十匹馬草料別支公用米二十石麵五十石羊二十口每年麵三十斤錢

四百貫

漢少帝乾祐三年七月勅節文諸道州府令錄判司主簿宜並等第支與俸戶每月納錢五百文與除二稅外免放雜差遣不得更種職田所定俸戶於中等無色役人戶內差置不得令當直及赴衙叅如有闕額及不達明申州府差填不得裏私替換若是令錄判司主簿除本分人數外剩占一人俸戶及今當直手力更納課錢並許百姓陳告事若不虛其陳告人與免戶下諸雜差

徭所犯人追毀告身配遽力役如令佐錄事叅軍內有
員闕州府差攝亦依例支與俸錢其差攝曹官不得援
例供破內三千以上縣令逐月一十貫文主簿六貫文
一千戶已上至三千戶縣令八貫文主簿五貫文一千
戶以下縣令六貫文主簿四貫文錄事叅軍判司依本
部內戶口取最多縣分例支破其錄事叅軍依縣令例
判司即依主簿例

周太祖廣順元年四月勅牧守之任委遇非輕分憂之

務既同制祿之數宜等自前者富庶之郡請給則優或
邊遠之州俸料素薄以至遷除之際擬議亦難既論資
叙之高低又患祿秩之升降所宜分多益寡均利同恩
異無黨偏以勸勲効今重定則例者州防禦使料錢二
百貫祿粟百石食鹽五石馬十匹草粟元隨三十人衣
糧團練使料錢一百五十貫祿粟七十石食鹽五石馬
十匹草粟元隨三十人衣糧刺史料錢一百貫祿粟五
十石食鹽五石馬五匹草粟元隨二十人衣糧仍取今

年五月一日後到任者依新定例支其已前在任者所請如故

世宗顯德三年十二月謂侍臣曰文武百寮所請俸給支遣之時非唯後於諸軍抑亦又多折估豈均養之理邪如其有過朕不敢私責重俸薄甚無謂也此後並宜支與實錢

五年十二月中書奏諸道州府縣官及軍事判官一例逐月各據逐處主戶等第依下項例別定料錢及米麥


等取顯德六年三月一日後起支其俸戶並停廢一萬戶已上縣縣令逐月料錢二十貫米麥共五石主簿料錢一十二貫米麥共三石七千戶已上縣縣令每月料錢一十八貫米麥共五石主簿料錢一十貫米麥共三石五千戶已上縣縣令逐月料錢一十五貫米麥共四石主簿料錢八貫米麥共三石三千戶已上縣縣令逐月料錢一十二貫米麥共四石主簿料錢七貫文米麥共二石不滿三千戶縣縣令逐月料錢一十貫米麥共

三石主簿料錢六貫米麥共二石五萬戶已上州司錄
錄事叅軍及兩京司錄每月料錢二十貫米麥共五石
司戶司法每月料錢一十貫米麥共三石三萬戶已上
州司錄錄事叅軍每月料錢一十八貫米麥共五石司
戶司法料錢八貫米麥共三石一萬戶已上州司錄錄
事叅軍每月料錢一十五貫米麥共四石司戶司法每
月料錢七貫米麥共三石五千戶已上州司錄錄事叅
軍每月料錢十二貫米麥共四石司戶司法每月料錢

六貫米麥共二石不滿五千戶州錄事參軍每月料錢
一十貫米麥共三石司戶司法每月料錢五貫米麥共
二石諸州軍事判官一例每月料錢一十貫米麥共二
石其諸州府京百司內諸司州縣官課戶莊戶俸戶柴
炭紙筆戶等望令本州及簡田使臣依前項指揮勒歸
州縣候施行畢具戶數聞奏仍差本判官精細點簡如
他後差使臣點簡及有人論訴稱其漏落祇罪在本判
官及行繫官典如今後更有人戶願充此等戶者便仰

本州勒充軍戶配本州牢城執役從之

六年十二月詔諸道州府攝官起今後支給本官所請
俸錢之半



冊府元龜卷五百八